

DILIGENCIA

Ahuať allempo ama eñalletena' ferrocarrilpa' ama eso chope'chete'ťe ñańa ama puentareto alloch chope'chenet e'ńe alla allame'tets. Nerra' muenet o'ch ahuet ellařarpa' ańoch ahuate'ťe ñeńť atťema'ť nerra' carro ñeńť otenet diligencia. Diligenciapa' ñeńťo' po'carro řayesete'ť ahuať allempo ama orrtena carro.

Ñeńťpa' atarro', echenano' epa amapa' ma'pa ñeńť otenet compartimentos. Alloťpa' echenan pa'tats ruedas ñańa echenan asientos ñańa ventanas. Año' matataye'ť shonte' cahualł. Nerra' matampset diligenciopa' amach erra amesnomueto, allo'ch amesoset allecma amesenet all oteńet postas, ñeńťpa' atťo' sochete'ť ahuať all amesete'ť. Postopa' allcha' amesenet ñańa allcha' cambienet cahualł ñeńťpa' ama yeńotene' erroťente' penet. O'chńa amesuanmuetpa' allempońapa' o'ch alla matamperreterr. Mameshapa' ahuo'ch řhapuet all sechenet. Nanaco' matena huomenc ñeńťo'ma-ro'ńa sochet diligencia řarro'mar mameshapa' o'ch řhapatanete'ť all sechenet.

CARRO EGIPCIO

Añpa' pa'so'cheñ carro egipcio. Atfo' soche-
na farro'mar ñeñt po'carro pa'yesete't ahuať
egipcio'marnesha' allempo ama eñalletena' carro
ñeñt ateť yentyen te'. Teme'ttseno' echenet po'-
rretrat ñeñt po'carro pa'yesete't ahuať, ñeñtpa'
allo' na'yeñet all oteñet monumentos. Ñeñt
carropa' echenano' epa ruedas atesha' e'ño' ayot-
tuareť allohuen. Ama anmane'te shonte' pasajeros
eño'ch epa anmue't esempopa' paťrrach. Paťerrpa'
ñeñt otenet el arquero po'poñpa' ñeñt manejaye't.

Pa'namenacpo' sherba'yesanete't añ carro.
Ñaña sherbanete't allempo quellarenet. Ñeñto'ma-
ro'ña onnaťo'marpa' echane'to' allcha' anenan
chopapets ñaña allcha' anenan jabalinas. Año'
chope'chataye't epa cahual. Ñeñto'maro'ña egip-
topa' ña nanac añcha'nočhtatse't ahuať farro'mar
echane't añ carro ñaña shonte' allo quellarete't.

TAREA:

1. ¿Eso'marťe' sochena carro egipcio?
2. Onnaťo'marpa' ¿eso't echen?
3. ¿Eso'marťe' egipto ña añcha'nočhtatse't ahuať?

VELERO

Añpa' ñeñt velero. Ñeñtpa' allo chopeñe'champ-yesete't ahuať. Veleropa' añ chope'chataye't morr. Ama coñe'tayaye achen taruasatse'te atťoch e'ñe cohuen chope'chachet velero. Acheñenesha'pa' eño'ch parrocoma taruasenet atťoch chope'chachet añ velero, farro'mar echenano' ma'pa' tsach ñeñt otenet arboladura ñeñtpa' añ ca'matene' shetamuets. Atťoch pellachet ora allohuen velaspa' nanaco'ch taruasenet.

Eñallo' shonte' veleros, pa'nameno' soche-ñet erroťencho' ayečhcatareť po'nonť ñańa ateť anareť po'arboladura ñańa ateť anareť velas. Ñeñt otenet velaspa' ñeñtpa' shetamuets. Eñall verleros ñeñt otenet bergantín, goleta, fragata. Te'pa' eñall ñeñt ayečhcatareť metálico ñeñtpa' nanaco' cočhneshare' ñeñtpa' atťecmo' orrtena ñerra'm barcos ñeñt chope'chatene' motor.

TAREA:

1. Ñeñt arboladura ¿eso't ca'mataye't?
2. ¿Errponťe' achen taruaset?